




Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



84/ 22

Në bazë të nenit 105 pika 1 dhe 2 dhe nenin 111 paragrafi 1 pika 10 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/ L-068, i plotësuar dhe ndryshuar me Ligjin 05/ L-092, nenin 10 pika (j) pika 1.10 të *Rregullat për paraqitje te kërkesës për rishqyrtim pranë Autoriteteve Kontraktuese, parashtrim te ankesave pranë OSHP dhe vlera e tarifave te ankesave*, si dhe neni 13 pika 7 dhe 8 të Rregullores së Punës së OSHP-së nr. 01/2020, me numër të protokollit 83/2020, pas shqyrtimit të ankesës së OE “Rojet e Nderit” me Seli në Prishtinë, ankesë kjo e parashtruar për aktivitetin e prokurimit me titull “Sigurimi me roje fizike për hapësirat e RTK-së, me numër të prokurimit AP:RTK-22-1444-2-1-1, iniciuar nga AK-Radio Televizioni i Kosovës (në tekstin e me tejmë RTK), Kryesuesi i Sekretariatit të Organit Shqyrtues të Prokurimit z. Ardian Behra me datën: 07 PRILL 2022 mori këtë :

VENDIM

- I. **Hedhet si e pa lejuar** ankesa e parashtruar nga OE “Rojet e Nderit” me Seli në Prishtinë, ankesë kjo e parashtruar për aktivitetin e prokurimit me titull “Sigurimi me roje fizike për hapësirat e RTK-së, me numër të prokurimit AP:RTK-22-1444-2-1-1, iniciuar nga AK-RTK.

- II. I LEJOHET autoritetit kontraktues – RTK që të vazhdoj më tutje me aktivitetin e prokurimit me titull “Sigurimi me roje fizike për hapësirat e RTK-së, me numër të prokurimit AP:RTK-22-1444-2-1-1, iniciuar nga AK-Radio Televizioni i Kosovës, (përkitazi me këtë ankesë nëse nuk ka ankesë tjetër).

ARSYETIM

Organi Shqyrtues i Prokurimit në sistemin elektronik me datë: 01.04.2022, ka pranuar ankesë nga OE “Rojet e Nderit” me Seli në Prishtinë, ku kjo ankesë u protokollua me numër të protokollit 84/2022, ankesa është parashtruar për aktivitetin e prokurimit me titull “Sigurimi me roje fizike për hapësirat e RTK-së, me numër të prokurimit AP:RTK-22-1444-2-1-1, iniciuar nga AK-Radio Televizioni i Kosovës (në tekstin e me tejmë RTK).

Organi Shqyrtues i Prokurimit sqaron se për aktivitetin e prokurimit në fjalë autoriteti kontraktues RTK ka publikuar Njoftimin për kontratë datë: 03.03.2022, Hapja e ofertave është parapare të jetë me datë: 24.03.2022. Sipas Formularit standard për korrigjimin e gabimeve në njoftimet e publikuara figuron se data e hapjes shtyhet për datën :04.04.2022.

Kërkesa për rishqyrtim nga OE- ankues është dërguar me dt.18.03.2022 në ora 4:29 e premtë mbas orarit zyrtar e që i bie dt.19.03.2022 dite e shtune(vikend) .

Vendimi i AK-së, në kërkesë për rishqyrtim është i datës: 22.03.2022 ku aprovohet/ miratohet si e bazuar kërkesa e OE ankues.

Autoriteti kontraktues - RTK me datë:01.04.2022, ka bere pezullimin e aktivitetit.

Organi Shqyrtues i Prokurimit sqaron, se meqë, OE “Rojet e Nderit “Prishtinë, nuk e kanë paguar tarifën e ankesës së tyre të datës: 01.04.2022 me numër të protokollit 84/2022 , OSHP-ja me datën: 04.04.2022, ka dërguar e-mail tek OE ankues duke i rekomanduar që të kompletojnë ankesën e tyre me tarifën e ankesës në mënyrë që ankesa e tyre të kompletohet dhe të procedohet me tutje, po ashtu zyrtaret përgjegjës për pranimin e ankesave kanë kontaktuar edhe me telefon me përfaqësuesit e OE ankues për ti sqaruar se ankesa e tyre nuk është

kompletuar, te njëjtës ankese i mungon tarifa e ankesës, por deri me datën: 07.04.2022 OSHP nuk ka pranuar asnjë përgjigje për plotësim të ankesës në fjale nga ana e OE ankues.

OSHP-ja, gjithashtu është siguruar nga Zyrtarja për të Hyra në OSHP, që në sistemin e të hyrave të pagesave nga Thesari nuk ekziston pagesa e bere nga OE-ankues për ankesën në fjalë.

Organi Shqyrtues i Prokurimit duke u bazuar në sqarimet dhe verifikimet e cekura si më lart konstaton se OE “Rojet e Nderit” me seli në Prishtinë nuk e ka kompletuar ankesën tyre duke mos bere fare pagesën e tarifës së ankesës, andaj ankesa e tyre e datës 01.04.2022 me numër të protokollit 84/2022, nuk hyn në shqyrtim .

Organi Shqyrtues i Prokurimit sqaron se ankesa e OE “Rojet e Nderit” me seli në Prishtinë e datës: 01.04.2022 me numër të protokollit 84/2022, për të hyrë në shqyrtim konform nenit 11 paragrafit 1 pika 10 të LPP-së, do të duhej të jetë e kompletuar edhe me dëshminë e pagesës së tarifës së ankesës , të përmendur në nenin 118 të këtij ligji.

Po ashtu edhe neni 13 pika 7 dhe 8 e Rregullores së Punës së OSHP-së nr. 01/2020, me numër të protokollit 83/2020, specifikon: Të gjithë ankuesit duhet të paguajnë një tarifë të ankesave në OSHP, konform nenit 14 të F03 të legjislacionit dytësor te KRPP-së në vlerën prej:

7.1 Kurdo që ankesa ndërlidhet me vendimin për shpërblim të një kontrate, shuma e tarifës së ankesës është e barabartë me një përqind (1%) të vlerës së ofertës, por jo më pak se 100 Euro dhe jo më shumë se 5,000 Euro.

7.2 Kurdo që ankesa ndërlidhet me njoftimin për kontratë, dokumentet e tenderit, shuma e tarifës së ankesës është e barabartë me një përqind (1%) të vlerës së parashikuar, por jo më pak se 100 Euro dhe jo më shumë se 5,000 Euro.

8. Pagesa do të bëhet në llogarinë e krijuar nga OSHP-ja. Fatura për pagesën e tarifës mund të merren në zyrat e OSHP-së, si dhe në platformën e prokurimit elektronik.

Prandaj duke u nisur nga sqarimet e dhëna si më lart OSHP konstaton se ankesa e parashtruar nga OE “Rojet e Nderit” me seli në Prishtinë e datës 01.04.2022 me numër të protokollit

84/2022, hedhet si e pa lejuar dhe nuk hyn në shqyrtim sepse ankuesi nuk e ka paguar fare tarifën e sigurimit të ankesës , ashtu siç kërkohet me nenin 111 paragrafi 1 pika 10 të Ligjit për Prokurim Publik të Kosovës, nenin 10 pika (j) pika 1.10 të ***Rregullat për paraqitje te kërkesës për rishqyrtim pranë Autoriteteve Kontraktuese, parashtrim te ankesave pranë OSHP dhe vlera e tarifave te ankesave*** , si dhe neni 13 pika 7 dhe 8 të Rregullores së Punës së OSHP-së nr. 01/2020, me numër të protokollit 83/2020.

Kryesuesi i Sekretariatit të OSHP-së, duke u bazuar në atë që u tha si më lartë, vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës themelore-Departamentit për çështje Administrative në afat prej 30 ditësh nga data e pranimi të këtij vendimi.

Vendimi t'i dorëzohet:

1x1 AK Radio Televizioni i Kosovës

1x1 OE "Rojet e Nderit" Prishtinë

1x1 Arhivës së OSHP-së

1x1 Për publikim në web-faqe të OSHP-së

